

GOVERNMENT NEWS

Let's grow South Africa together



GO IKOBELA DIKGATO TSA GO TILA DITSHWAETSO TSA COVID-19

- Puso e eletsa setlhopha sa kgwele ya dinao sa naga ya rona sa Bafana Bafana masego le matlhogonolo jaaka gompiano se tla bo se gaisana le sa naga ya Ethiopia kwa lebaleng la metshameko la FNB mo motshamekong o o botlhokwa thata wa makgaolakang a go tsenela metshameko ya Sejana sa Lefatshe mo ngwageng wa 2022.
- Ke fela palo e nnye ya barati ba kgwele ya dinao ba le 2 000 ba ba letleletsweng e bile ba tlhabetse moento ba ba tla letlelelwang go tla go bogela motshameko wa gompiano.
- Fa re tlhabela meento ka bonako, re tla kgona go bulela mafelo a boitapoloso ka bonako, mme seo se tla dira gore re busetse sekeng ka bonako maemo a ikonomi le go dira gore go se tlhole go nna le kgwebo e e ileditsweng go dira le go tlhola ditiro tse naga ya rona e di tlhokang.
- Jaaka go setse go simolotswe ka dikgato tsa go bula mafelo a boitapoloso, go santse go le botlhokwa gore go aparwe dimaseke, go katoganwe le gore go tlhapiwe diatla ka metsi a sesepa kgotsa go di tsikitletsa ka sebolayamegare se se nang le alekhoholo mmogo le go atlhamisa matlhabaphefo gore ntlo e tsenelwe ke mowa o o phepa.
- Jaanong o ka kgona go taonelouta lekwalo la gago la bopaki jwa gore o entile la eleketeroniki le le pakang gore ke boammaruri gore mong wa lekwalo leo o tlhabetse moento wa COVID-19 ka botlalo.
- Lekwalo leno le ka dirisiwa fa motho a tsena mo mafelong a a rileng go bontsha gore o entile, le ka dirisiwa mo dikopanong tse di rileng le mo ditirong tse dingwe tse di tlhokang gore motho a bontshe bopaki jono.
- Go bona tshedimosetso ka botlalo mabapi le lekwalo le go buiwang ka lona leno etela webesaete ya: <https://sacoronavirus.co.za/2021/10/05/access-to-digital-covid-19-vaccination-certificates/>